

清澗縣志序



夫志以紀實也郡邑有志
山川險易土地饒乏田賦
物力之盈詘官師人物之
良否士習民風之淳漓備
載於斯採風者按圖而稽

瞭若指掌則紀載之中寓
有考核官斯土者因仍釐
革斟酌調劑徬故實而法
懿美因時弊而施補救則
紀載之中又寓有觀型志
固一邑之實錄也而龜鑒

因焉已清志創始於前宰
阮公孝再成於陳公汝元
悉心輿圖演為治蹟是志
與政相通也兵燹之後殘
編毀於蠹魚梨棗付之回
祿版籍弗存考裏何由惟

我

皇清定鼎法令一新然因革損
益每考掌故清固邊荒下
邑風土人情猶有先代之
遺問志則闕畧弗備文獻
之謂何而聽其湮沒無徵

耶余承乏斯邑於學士大夫
夫商確及此愾然恍然乃
時當旁午諸務未遑有志
弗遑會

太史蓋淵白公以讀禮旋祥
禫之後余執疇昔博採茲

老傳聞間有記憶阮陳一
二舊什謁廬就正公以纂
脩大訓之手敷以雕龍繡
虎之才雪楞白子素承家
訓紹述有源又以身為閱
歷者藻以風雅如歎家珍

兼之諸紳士各以見聞所
及彙為四卷首以地理志
形勝也次以建置志觀瞻
也次以祠祀志對越也任
土作貢則田賦有志分職
授政則官師有志地靈人

傑賢哲興矣人物不可以
無志書非掄秀譽髦彰矣
選舉又不可以無志書成
不憚碌碌因人成事之謂
欲授之梓旋承
大方伯陳公纂修通省不遺

於清屢捧檄催爰錄冊而
上之人曰省有志矣茲何
庸贅余曰否省志其要清
志其詳碎如身之有臂臂
之有指大小雖殊血脉流
貫無少間也語不云乎海

為百谷之王支流餘派亦
自成渠泰為群岳之宗寸
壤卷石亦自為壘清雖彈
丸黑子臧方氏之所不遺
則星拱棊置以翊全秦之
盛以成一邑之觀者豈贅

厖也。我余故付之剗。剗氏
俾觀風者不擇葑菲守土
者有所驗証。斯志亦庶幾
有小補也。夫昔
順治十八年歲在辛丑清
和月分龍節之吉。

賜同進士出身知清澗縣事廖
元發謹撰



志序



國家肇造區區夏聲教誕敷薄
海外內罔不率俾幅員之
廣郡邑繡錯民生其間異
質土地異宜風俗異尚物

清湖縣志

序

一

產異用貢賦異等且吏治
人文異齊苟非載記充詳
曷以彰一統之盛哉故志
以記事禹貢九丘古之志
也周禮邦國之志小史掌

之四方之志外史掌之職
方氏掌四方之圖以掌天
下之地辨其邦國都鄙之
人民與其財用穀畜之數
要周知其利害所記九州

之山川藪浸民利穀畜如
指諸掌不暴詳哉噫志之
由來夙矣我

清重熙累洽化浹方州將及
天下載記以成一統之書

窮天末茲爲郡邑之長各
稽送牒彙輯見聞以俟采
擇則今日邑志所緣作也
吾邑舊志明昉於阮公繼
修於陳公自兵火之餘卷

帙散失梨棗供爨下問其
掌故於何致乎志固可弗
修歟 邑侯廖公與余同
第南宮除宰吾邑六載於
茲政成化理歲既久其於

田賦民物風氣教養之事
靡不悉已慨然於載記之
弗存欲有以志之會奉當
事者檄乃進博士弟子員
與士大夫而謀焉衆咸稱

善遂討論遺編博詢近事
刪繆補闕彙爲全冊爲卷
若干綱舉目張余覽而嘆
曰侯良史哉誠良史也昔
史佚作史取郡邑志撮其

要歸昌黎過韶州亦索圖
經資故實是邑之志史之
權輿也今侯以史才作志
吏事也乎哉展卷閱之直
書厥事不飾浮夸稽其民

生之繁耗土地之廣狹風
俗之淳漓物產之饒歉貢
賦之增損吏治之得失人
文之振靡燦然明備確乎
有據上之

朝廷爲實錄垂之奕世爲信
史倘後此君子詳致盛衰
脩教齊政防微慎漸務使
衰者日進於盛而盛者不
至於衰則吾邑之幸也矣

又何不可以一邑之治治
天下哉余喜其文獻之足
徵爰叙冊端以表不朽之
績云



清順治十有八年歲在辛

丑乾月中浣之吉


賜進士第翰林院檢討 順

治大訓纂修官邑人白乃

貞讓



縣城圖



纂志姓氏

翰林院檢討 順治大訓纂脩官邑人白乃貞總裁

吏部觀政進士邑人師國禎

清澗縣知縣東平 廖元發彙纂

署儒學教諭舉人長安邵廷儀

甲午科舉人邑人白壽宸

貢生邑人劉沆初校訂

儒學廩膳生員邑人白乃建參輯

清澗縣志

姓氏目錄

目錄

地理志第一

建置志第二

祠祀志第三

田賦志第四

官師志第五

人物志第六

選舉志第七

姓氏目錄

清澗縣志卷之一

地理志第一

清澗古雍州之域春秋白翟所居秦隸上郡西漢為白土
及奢延縣隸上郡新莽改黃土奢節東漢復舊名隸上郡
後兵擾邑廢晉末赫連據之六朝為魏地隋置新平縣隸
隴陰郡唐初徙吐谷渾部落於此置渾州又於渾州之寬
川置寬州番漢雜居五代李世福世叛州廢宋康定元年
夏人犯延安廊將种世衡言延安東北二百里有故寬州
請因廢壘興之以當寇衝朝命世衡董其役且鑿井得泉

清澗縣志

卷之一

賜名青澗城屯兵戍守隸延州元符二年隸綏德軍建炎
後沒金大定二十二年升為縣隸綏德州元至正四年省
綏平懷寧二縣入焉二十二年縣尹張顯建議仍隸延安
路明洪武二年歸附仍為清澗縣隸綏德州弘治九年知
縣岳玉引元制議復直隸延安府清人便之

國朝因焉

清澗字為青澗綱目書城青澗是也今名清未詳何時易此

按陝志晉屬金城郡後魏屬新平郡今改金城在蘭州另
一白土縣新平在邠州相距俱遠或誤

疆域

延二百二十里 袤一百七十里 東至山西石樓

縣界

一百里 南至延川縣界四十五里 西至安定縣